



# SLUŽBENE NOVINE BOSANSKO-PODRINJSKOG KANTONA GORAŽDE GORAŽDE

Godina XIII–Broj 11	06.avgust/kolovoz 2010. GORAŽDE	Akontacija za III kvartal 2010.godine uključujući i pretplatu za “Službene novine BPK-a Goražde”– 40 KM
---------------------	------------------------------------	---

**633**

Na temelju članka 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m**:

**U K A Z**  
**O PROGLAŠENJU ZAKONA**  
**O IZMJENAMA I DOPUNAMA**  
**ZAKONA O ZAŠTITI OKOLIŠA**  
**BOSANSKO-PODRINJSKOG**  
**KANTONA GORAŽDE**

Proglašava se Zakon o izmjenama i dopunama Zakona o zaštiti okoliša Bosansko-podrinjskog kantona Goražde, koji je donijela Skupština Bosansko-podrinjskog kantona Goražde, na 38. redovitoj sjednici, održanoj 2. kolovoza 2010. godine.

Broj:02-02-500/10  
02.08.2010.godine  
G o r a ž d e

P R E M I J E R  
Nazif Urući, v.r.

**634**

Na temelju Poglavlja IV, Odjeljak A članka 23. stavak 1. točka b. Ustava Bosansko-podrinjskog kantona Goražde (“Službene novine Bosansko-podrinjskog kantona Goražde“, broj: 8/98, 10/00 i 5/03) i članak 106. Poslovnika Skupštine Bosansko-podrinjskog kantona Goražde (“Službene novine Bosansko-podrinjskog kantona Goražde“, broj:10/08), Skupština Bosansko-podrinjskog kantona Goražde, na 38. redovitoj sjednici održanoj 2. kolovoza 2010.godine, **d o n o s i**:

**ZAKON**  
**O IZMJENAMA I DOPUNAMA**  
**ZAKONA O ZAŠTITI OKOLIŠA**  
**BOSANSKO-PODRINJSKOG**  
**KANTONA GORAŽDE**

**Članak 1.**

U Zakonu o zaštiti okoliša (“Službene novine Bosansko-podrinjskog ka-

ntona Goražde”, broj:5/05) u članku 6. iza definicije: *“uticaj na okoliš”* – promjene u okolišu nastale korištenjem i opterećivanjem okoliša; dodaje se nova definicija koja glasi:

*“strategijska procjena okoliša - sustavni proces vrednovanja okolišnih posljedica predloženih planova, programa ili strategija kako bi se još u ranoj fazi donošenja odluka uz ekonomska i društvena uključila i okolišna razmatranja”, a iza definicije: procjena uticaja na okoliš – identifikacija, opis i odgovarajuća procjena u odnosu na svaki pojedinačni slučaj, sukladno odredbama ovog Zakona, direktan i indirektan uticaj nekog projekta na sljedeće elemente i čimbenike:*

- ljude, biljni i životinjski svijet;
- zemljište, vodu, zrak, klimu i krajolike;
- materijalna dobra i kulturno naslijeđe;
- međudjelovanje čimbenika navedenih u podtočkama jedan, dva i tri”, dodaje se nova definicija koja glasi:

*“plan aktivnosti – plan prilagođavanja postojećih pogona i postrojenja koji sadrži ciljeve, mjere i uvjete koji moraju zadovoljiti nove standarde zaštite svih segmenata okoliša sa utvrđenim sredstvima u utvrđenom roku.”*

### **Članak 2.**

U članku 12. iza stavka 2. dodaje se novi stavak 3. koji glasi:

*„Javnost ima pravo sudjelovati u postupcima koji se vode na zahtjev operatora sukladno ovom Zakonu ili drugim propisima.“*

Dosadašnji stavak 3. postaje stavak 4.

### **Članak 3.**

U članku 20. u stavku 1. iza riječi „obuhvata“ dodaju se riječi: „zaštitu od“, a riječ „uporabu“ zamjenjuje se riječju „uporabe.“

### **Članak 4.**

U članku 21. u stavku 1. i u članku 22. u stavku 1. iza riječi „obuhvata“ dodaju se riječi: „zaštitu od“, a riječi: „sve vrste“ zamjenjuju se riječima: „svih vrsta.“

### **Članak 5.**

U članku 22. dodaje se novi stavak 3. koji glasi:

*„Sva pitanja u vezi sa zaštitom od buke i vibracije uređena su posebnim zakonom.“*

### **Članak 6.**

U članku 23. iza riječi „obuhvata“ dodaju se riječi: *“zaštitu od”, a riječi: „vještački proizvedenu i prirodnu jonizaciju, nejonizirajuću radijaciju i termalnu radijaciju“* zamjenjuju se riječima: *„proizvedene i prirodne jonizacije, nejonizirajuće radijacije i termalne radijacije svih vrsta.“*

### **Članak 7.**

U članku 26. iza stavka 3. dodaje se novi stavak 4. koji glasi:

*„Gospodarska društva su dužna da izrade planove zaštite okoliša ukoliko je to propisano posebnim zakonom.“*

Dosadašnji stavak 4. postaje stavak 5.

### **Članak 8.**

U članku 36. iza stavka 5. dodaju se novi stavci 6.,7.,8.i 9. koji glase:

„Nadležni organ neće izdati urbanističku suglasnost ili druge neophodne suglasnosti za projekte za koje je neophodna procjena uticaja na okoliš, ukoliko uz zahtjev nije dostavljena okolišna dozvola.

Nadležno ministarstvo provodi postupak procjene uticaja na okoliš u koji će se uključiti nadležni organi na općinskoj i kantonalnoj razini.

Procjena uticaja na okoliš može se vršiti u dvije faze:

- prethodna procjena uticaja na okoliš i
- studija o uticaju na okoliš.

Ukoliko na temelju zahtjeva za izdavanje okolišne dozvole i priloženih dokaza utvrdi da nije potrebna izrada studije o uticaju na okoliš, nadležno ministarstvo donosi rješenje o izdavanju okolišne dozvole na temelju prethodne procjene uticaja na okoliš.”

### **Članak 9.**

U članku 37. iza stavka 1. Dodaju se novi stavci 2. i 3. koji glase:

„Za pogone i postrojenja za koje je potrebna prethodna procjena uticaja na okoliš nadležno ministarstvo dostavlja zahtjev za izdavanje okolišne dozvole, zajedno sa priložima, nadležnim organima i zainteresiranim subjektima radi davanja mišljenja i sugestija.

Rok za dostavljanje sugestija i

primjedbi je petnaest dana od dana prijema zahtjeva.“

Dosadašnji stavci 2. i 3. postaju stavci 4. i 5.

### **Članak 10.**

U članku 38. iza stavka 1. Dodaju se novi stavci 2., 3., 4., 5., 6. i 7. koji glase:

„Nadležno ministarstvo, na temelju prethodne procjene uticaja na okoliš, donosi zaključak o izradi studije o uticaju na okoliš u roku od petnaest dana od dana isticanja roka za dostavljanje sugestija i primjedaba.

U zaključku iz stavka 2. ovog članka nadležno ministarstvo određuje sadržaj studije o uticaju na okoliš uzimajući u obzir uputstva za procjenu uticaja na okoliš.

Ocjenu studije o procjeni uticaja na okoliš vrši stručno povjerenstvo, koje imenuje nadležni ministar.

Sastav, naknade kao i druga pitanja vezana uz rad povjerenstva propisat će nadležni ministar provedbenim propisom.

Naknada za ocjenu studije o uticaju na okoliš obuhvata nadoknadu za rad pravnih i tehničkih stručnjaka iz nadležnog organa i sve ostale troškove koje mogu imati nadležni organi ili drugi učesnici u postupku procjene uticaja na okoliš.

Naknadu i ostale troškove iz stavka 6. ovog članka snosi podnositelj zahtjeva.“

Dosadašnji stavak 2. postaje stavak 8.

### **Članak 11.**

U članku 39. iza stavka 3. dodaje se novi stavak koji glasi:

„Podnositelj zahtjeva dostavlja studiju o uticaju na okoliš nadležnom ministarstvu u roku od 30 dana od dana prijema studije od nositelja izrade studije.“

Dosadašnji stavak 4. postaje stavak 5.

### **Članak 12.**

U članku 40. stavak 1. mijenja se i glasi:

„Nadležno ministarstvo će na temelju ocjene studije o procjeni uticaja na okoliš donijeti rješenje o okolišnoj dozvoli u roku od 30 dana od dana dostavljanja ocjene.“

Stavak 2. mijenja se i glasi:

„Okolišna dozvola neće biti izdata ukoliko rezultati Studije o procjeni uticaja na okoliš pokažu da bi projekat mogao izazvati znatno zagađivanje okoliša ili u znatnoj mjeri ugroziti okoliš.“

Iza stavka 2. dodaje se stavak 3. koji glasi:

„Rješenje o okolišnoj dozvoli dostavlja se podnosiocu zahtjeva i zainteresiranim subjektima iz članka 37. stavak 2. ovog zakona.“

Dosadašnji stavak 3. postaje stavak 4.

Dosadašnji stavak 4. se briše.

### **Članak 13.**

Članak 42. mijenja se i glasi:

„Pogoni i postrojenja moraju biti izgrađeni i funkcionirati tako da se:

- ne ugrožava niti ometa zdravlje ljudi i ne predstavlja nesnosnu/pretjeranu smetnju za ljude koji žive na području uticaja postrojenja ili za okoliš zbog emisija supstanci, buke, mirisa, vibracija ili toplote, ili prometa, ili od postrojenja;
- poduzmu sve odgovarajuće preventivne mjere da se spriječi zagađenje i da se ne prouzrokuje značajnije zagađenje;
- izbjegava produkcija otpada, a, ukoliko dolazi do stvaranja istog, količina će se svesti na najmanju moguću mjeru ili će se vršiti reciklaža ili, ukoliko to nije tehnički ili ekonomski izvodljivo, otpad se odlaže i pri tome izbjegava ili smanjuje bilo kakav negativan uticaj na okoliš;
- energetske i prirodne resurse efikasno koriste;
- preduzmu neophodne mjere za sprečavanje nesreća i ograničavanje njihovih posljedica i
- preduzmu neophodne mjere nakon prestanka rada postrojenja da bi se izbjegao bilo kakav rizik od zagađenja i da bi se lokacija na kojoj se postrojenje nalazi vratila u zadovoljavajuće stanje. Zadovoljavajuće stanje znači da su ispunjeni svi standardi kvaliteta okoliša koji su relevantni za lokaciju postrojenja, naročito oni koji se tiču zemljišta i vode.

Zahjevi dati u stavku 1. ovog članka predstavljaju opće obveze operatora koje se trebaju ispuniti tijekom izgradnje, rada i prestanka rada pogona i postrojenja. Ovi se standardi moraju primijeniti prilikom izdavanja okolišne dozvole.

Za pogone i postrojenja za koje nije potrebno pribavljanje okolišne dozvole nadležni organ će kod izdavanja urbanističke suglasnosti voditi računa o ispunjenju zahtjeva iz stavka 1. ovog članka.

Za pogone i postrojenja čiji rad bi mogao znatno uticati na stanje okoliša susjednog kantona, entiteta ili države, kantonalno ministarstvo obavještava federalno ministarstvo i nadležni organ susjednog kantona, entiteta ili države o navedenom u formi informacije.“

#### Članak 14.

U članku 43. iza stavka 1. dodaju se novi stavci 2., 3. i 4. koji glase:

„Za izdavanje okolišne dozvole podnosi se zahtjev za izdavanje okolišne dozvole.

Okolišnu dozvolu izdaje nadležno ministarstvo u formi rješenja.

Okolišna dozvola se izdaje:

- donošenjem rješenja za izdavanje okolišne dozvole u slučajevima gdje nije potrebna prethodna procjena uticaja na okoliš,
- donošenjem rješenja za izdavanje okolišne dozvole nakon provedene procedure prethodne procjene uticaja na okoliš u slučajevima gdje je po-

trebna samo prethodna procjena uticaja na okoliš,

- donošenjem rješenja za izdavanje okolišne dozvole nakon prihvaćene studije o uticaju na okoliš.“

Dosadašnji stavci 2., 3., 4., 5. i 6. postaju stavci 5., 6., 7., 8. i 9.

#### Članak 15.

Članak 44. mijenja se i glasi:

„Zahtjev za izdavanje okolišne dozvole sadrži:

- ime i adresu operatora/investitora;
- izvod iz planskog akta odnosno područja sa ucrtanom legendom o namjeni površina šireg područja i namjenama površine predmetne lokacije;
- lokaciju pogona i postrojenja, kao i opis:
- pogona i postrojenja i aktivnosti (plan, tehnički opis rada, itd.),
- temeljnih i pomoćnih sirovina, ostalih supstanci i energije koja se koristi ili koju proizvodi pogon i postrojenje,
- izvora emisija iz pogona i postrojenja,
- stanja lokacije pogona i postrojenja,
- prirode i količine predviđenih emisija iz pogona i postrojenja u okoliš (zrak, voda, tlo), kao i identifikaciju značajnih uticaja na okoliš,
- predloženih mjera, tehnologija i drugih tehnika za sprečavanje ili, ukoliko to nije moguće, smanjenje emisija iz postrojenja,
- mjera za spriječavanje produkcije i za povrat korisnog materijala iz otpada koji produkuje postrojenje,
- ostalih mjera radi usklađivanja sa te-

- meljnim obvezama operatora, osobito mjera nakon zatvaranja postrojenja,
- mjera planiranih za monitoring emisija unutar područja i/ili njihov uticaj,
- predviđenih alternativnih rješenja;
- presliku zahtjeva za dobijanje drugih dozvola koje će biti izdate zajedno sa okolišnom dozvolom;
- netehnički rezime i
- plan upravljanja otpadom.

Za pogone i postrojenja za koje je obavezna izrada studije o procjeni uticaja na okoliš, uz zahtjev za izdavanje okolišne dozvole umjesto podataka iz stavka 1. ovog članka podnosi se studija o uticaju na okoliš.

Investitor je dužan studiju o procjeni uticaja na okoliš dostaviti na ocjenu nadležnom ministarstvu u roku od šest mjeseci od dana donošenja zaključka o izradi studije.“

#### **Članak 16.**

U člancima 37., 38., 39., 40., 41., 44. i 45. iza riječi: „studija o“ dodaje se riječ „procjeni“ u odgovarajućem padežu.

#### **Članak 17.**

Iza članka 45. dodaje se novi članak 45., koji glasi:

“Protiv rješenja iz članka 45. dopuštena je žalba koja se izjavljuje Vladi Bosansko-podrinjskog kantona Goražde u roku 15 dana od dana dostavljanja rješenja.”

#### **Članak 18.**

U članku 46. u stavku 1. riječi:

“2008. godine“ zamjenjuju se riječima: „31.12.2011.godine.“

Stavak 2. mijenja se i glasi:

„Zahtjev za izdavanje okolišne dozvole za postojeće pogone i postrojenja obavezno sadrži planove aktivnosti.“

Iza stavka 2. dodaje se novi stavak 3. koji glasi:

„Rok za izdavanje okolišne dozvole je 60 dana od dana ocjene plana aktivnosti.“

#### **Članak 19.**

U članku 47. iza riječi „ministarstvo“ dodaju se riječi: „i inspektora“, a iza riječi „emisija“ dodaju se riječi: „sukladno okolišnoj dozvoli i provedbenom propisu.“

#### **Članak 20.**

U članku 48. u stavku 1. iza riječi „ministarstvo“ dodaje se riječ „ponovo.“

U stavku 1. točka 1. mijenja se i glasi:

„- zagađenje koje stvara pogon i postrojenje toliko značajno da prelaze granične vrijednosti utvrđene u okolišnoj dozvoli;“.

U stavku 2. iza riječi „zahtjev“ dodaju se riječi: „nadležne inspekcije za okoliš i.“

#### **Članak 21.**

U članku 68. u stavku 1. riječ „omogućiti“ zamjenjuje se riječju „naložiti.“

U stavku 2. iza riječi „naseljeno-

sti“ dodaju se riječi: „i intenziteta korištenja okoliša, kao periodični izvješće o stanju okoliša“.

Iza stavka 2. dodaje se novi stavak 3. koji glasi:

“Kantonalni i općinski organi nadležni za oblast upravljanja vodama, meteorologiju, pedologiju, geologiju, zaštitu prirode, statistiku i druge upravne organizacije dužni su osigurati prikupljanje, obradu i evidentiranje odgovarajućih podataka i informacija, osobito o korištenju i opterećenju okoliša iz svoje nadležnosti i dostaviti ih ministarstvu, kao i drugim nadležnim organima na federalnoj i državnoj razini, te međunarodnim institucijama.”

Dosadašnji stavak 3. postaje stavak 4.

#### **Članak 22.**

U članku 91. stavak 1. mijenja se i glasi: „Inspekcijski nadzor vrši nadležni inspektor zaštite okoliša.“

U stavku 2. riječi: “kantonalno tijelo uprave“ zamjenjuju se riječima:

„Kantonalna uprava za inspekcijske poslove.“

#### **Članak 23.**

Članak 92. mijenja se i glasi:

„Inspektor zaštite okoliša ima pravo pristupa svim prostorijama, radnim područjima i postrojenjima radi provođenja inspekcije na licu mjesta i može provjeravati sve dokumente, podatke, uređaje i materijale koji se nalaze u pogonu i pos-

trojenju, uzimati uzorke i provesti mjerenja.

Operator i osoblje zaposleno u postrojenju moraju omogućiti i pomoći inspektorima tako što će osigurati sve neophodne informacije, podatke i dokumente.“

#### **Članak 24.**

Članak 93. mijenja se i glasi:

„Kantonalni inspektor zaštite okoliša vrši poslove inspekcijskog nadzora definirane kantonalnim zakonom o zaštiti okoliša, a naročito nad:

1. primjenom standarda kvaliteta okoliša po sastavnim dijelovima,
2. primjenom tehničkih standarda zaštite okoliša,
3. provođenjem praćenja stanja okoliša,
4. provođenjem mjerenja emisije i imisije i vođenje evidencije o tome,
5. provođenjem mjera zaštite okoliša utvrđenih programom zaštite okoliša,
6. provođenjem mjera zaštite okoliša utvrđenih planom intervencija,
7. provođenjem mjera zaštite okoliša utvrđenih u postupku procjene uticaja na okoliš,
8. provođenjem mjera zaštite okoliša u slučajevima kada se koriste ili skladište opasne supstance,
9. provođenjem programa sanacije i praćenja njihovih učinaka,
10. načinom i uvjetima rada, tehničkom opremljenošću pravnih osoba registriranih ili ovlaštenih za obavljanje poslova zaštite okoliša,
11. načinom vođenja evidencije o zaštiti okoliša,
12. korištenjem sredstava određenih za provedbu mjera zaštite okoliša.“

### Članak 25.

Članak 94. mijenja se i glasi:

„Inspektor zaštite okoliša sačinjava zapisnik o izvršenoj inspekciji koji obuhvata:

- ime operatora i lokaciju,
- datum i trajanje inspekcije,
- opis izvršene inspekcije i svih relevantnih nalaza, osobito tehničkih podataka i uzoraka i
- utvrđeno kršenje propisa i razloge i obrazloženja operatora/osoblja.

Zapisnik se dostavlja operatoru i javnosti, ukoliko to zahtijeva.“

### Članak 26.

Članak 95. mijenja se i glasi:

„Inspektor zaštite okoliša nakon izvršenog inspekcijuskog pregleda i uočenih nepravilnosti donosi rješenje kojim nalaže:

- rok za otklanjanje nepravilnosti,
- provođenje neophodnih mjera, uključujući zatvaranje pogona i postrojenja, ukoliko nepravilnosti nisu otklonjene u ostavljenom roku i
- preduzimanje sanacijskih mjera.

U slučaju ponovljenog kršenja propisa ili u slučaju ozbiljne opasnosti po ljudsko zdravlje i okoliš, koja se ne može riješiti drugim mjerama, inspektor zaštite okoliša će zatražiti od nadležnog ministarstva da poništi izdatu okolišnu dozvolu.“

### Članak 27.

Članak 96. mijenja se i glasi:

„Protiv rješenja inspektora zaštite okoliša dopuštena je žalba nadležnom ministarstvu u roku 15 dana od dana dostavljanja rješenja.

Žalba ne odlaže izvršenje rješenja inspektora zaštite okoliša.

Protiv rješenja donesenog po žalbi iz stavka 1. ovog članka može se pokrenuti upravni spor kod kantonalnog suda.“

### Članak 28.

Članak 97. mijenja se i glasi:

„Inspektor zaštite okoliša obvezan je rješenja donesena sukladno odredbama članka 95. dostaviti nadležnom kantonalnom ministarstvu.“

### Članak 29.

Članak 98. se briše.

Dosadašnji članovi 99., 100., 101., 102. i 103. postaju novi članovi 98., 99., 100., 101. i 102.

### Članak 30.

U dosadašnjem članku 99. u stavku 1. riječi: „od 1.000,00 do 10.000,00 KM“ zamjenjuju se riječima: „od 3.000,00 do 15.000,00 KM.“

U stavku 2. riječi: „od 500,00 do 2.000,00 KM“ zamjenjuju se riječima: „od 300,00 do 1.500,00 KM“, a iza riječi: „članka“ dodaju se riječi: „fizička osoba.“

### Članak 31.

U dosadašnjem članku 100. u



stavku 1. riječi: „od 1.000,00 do 10.000,00 KM“ zamjenjuju se riječima: „od 3.000,00 do 15.000,00 KM.“

U stavku 2. riječi: „od 100,00 do 500,00 KM“ zamjenjuju se riječima: „od 200,00 KM do 700,00 KM.“

U stavku 3. riječi: „od 1.000,00 do 5.000,00 KM“ zamjenjuju se riječima: „od 1.500,00 KM do 7.000,00 KM.“

### Članak 32.

Dosadašnji članak 103. mijenja se i glasi:

„Za provedbene propise koji su spomenuti u ovom Zakonu, Ministarstvo će pored već preuzetih federalnih provedbenih propisa najprije analizirati i odlučiti koje od raspoloživih, odgovarajućih federalnih propisa može preuzeti, a koje će pripremiti kao vlastite propise. Te nove provedbene propise Ministarstvo će pripremiti u roku od 1 godinu od dana stupanja na snagu ovog zakona i dostaviti nadležnim organima na usvajanje. Do tada, primjenjivat će se postojeći provedbeni propisi.“

Federalni provedbeni propisi, koji su u ovom Zakonu preuzeti kao kantonalni propisi, u slučaju izmjene ili donošenja novih, isti će se primijenjivati kao kantonalni propisi.“

### Članak 33.

Članci 104. i 105. se brišu.

Dosadašnji članak 106. postaje novi članak 104.

### Članak 34.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde.“

Broj:01-02-665/10                      PREDsjedATELJ  
02.08.2010.godine                      Alija Begović,v.r.  
G o r a ž d e

635

Na temelju članka 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m:**

### U K A Z O PROGLAŠENJU ZAKONA O IZMJENAMA I DOPUNAMA ZAKONA O PRAVOBRANILAŠTVU BOSANSKO-PODRINJSKOG KANTONA GORAŽDE

Proglašava se Zakon o izmjenama i dopunama Zakona o pravobranilaštvu Bosansko-podrinjskog kantona Goražde, koji je donijela Skupština Bosansko-podrinjskog kantona Goražde, na 38. redovitoj sjednici, održanoj 2. kolovoza 2010.godine.

Broj: 02-02-501/10                      P R E M I J E R  
02.08.2010. godine                      Nazif Uruči,v.r.  
G o r a ž d e

636

Na temelju Poglavlja IV Odjeljak A članka 23. stavak 1. točka b. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i